



TEKS UCAPAN ALUAN

**YB DATUK AARON AGO DAGANG
MENTERI PERPADUAN NEGARA**

SEMPENA

**MAJLIS PERASMIAN
BANGUNAN PUSAT REPOSITORI
PERPUSTAKAAN NEGARA MALAYSIA-PERLIS
(PRPNM-PERLIS)**

22 MEI 2025 (KHAMIS)

9.30 PAGI

PRPNM-PERLIS, KUALA PERLIS

Salam Perpaduan, Salam Perlis, Raja Berdaulat, Rakyat Berilmu, Negeri Sejahtera, Perlis Maju.

Dengan penuh hormat dan takzimnya patik mengadap,

**Duli Yang Maha Mulia Raja Perlis,
Tuanku Syed Sirajuddin Ibni Almarhum Tuanku Syed Putra
Jamalullail,**

dan mengadap,

**Duli Yang Maha Mulia Raja Perempuan Perlis,
Tuanku Tengku Fauziah Binti Almarhum Tengku Abdul
Rashid**

AMPUN TUANKU

Terlebih dahulu patik mewakili warga kerja Kementerian Perpaduan Negara dan Perpustakaan Negara Malaysia merafak sembah, menjunjung setinggi - tinggi kasih atas limpah perkenan Duli - Duli Tuanku berangkat ke Majlis Perasmian Pusat Repositori Perpustakaan Negara Malaysia-Perlis (PRPNM-Perlis) pada hari ini.

Sesungguhnya keberangkatan Duli - Duli Tuanku ke majlis ini amat besar ertinya kepada patik - patik sekalian.

AMPUN TUANKU

Patik pohon ampuni limpah perkenan Duli - Duli Tuanku untuk berucap kepada sidang hadirin yang turut hadir dalam majlis pada hari ini.

AMPUN TUANKU

SALUTASI

Yang Amat Berhormat Tuan Mohd Shukri Bin Ramli,

Menteri Besar Perlis Dan

Yang Amat Berbahagia Puan Najwa Binti Othman

Yang Berhormat Tuan Rus'sele Bin Eizan,

Speaker Dewan Undangan Negeri Perlis Dan

Yang Berbahagia Puan Naimah binti Yahya

Yang Berhormat Dato' Rahimi bin Ismail,

Setiausaha Kerajaan Negeri Perlis Dan

Yang Berbahagia Datin Musidah binti Mohid @ Mohamad

Yang Berhormat Puan Wan Badariah binti Wan Saad,

Ahli Majlis Mesyuarat Kerajaan Negeri Perlis Merangkap
Pengerusi Lembaga Pengarah Perbadanan Perpustakaan
Awam Negeri Perlis dan Pasangan

Yang Berbahagia Datuk Haji Rubi bin Haji Ubi,

Ketua Setiausaha Kementerian Perpaduan Negara

Ahli – Ahli Yang Berhormat dan Pasangan,

Yang Berusaha Encik Edy Irwan bin Zulkafli,

Ketua Pengarah Perpustakaan Negara Malaysia

Yang Berusaha Encik Abd Rahim bin Husin,

Pengarah Perpustakaan Awam Negeri Perlis,

Tuan-Tuan Dan Puan-Puan Yang Dikasihi Sekalian.

PERASMIAN PUSAT REPOSITORI PNM-PERLIS

Hadirin yang dihormati sekalian,

1. Sesungguhnya saya bersyukur pada hari ini kerana Kementerian Perpaduan Negara dan Perpustakaan Negara Malaysia berjaya melaksanakan **Majlis Perasmian dan Penamaan Bangunan Pusat Repositori Perpustakaan Negara Malaysia-Perlis.**
2. Bangunan ini telah dibangunkan oleh Perpustakaan Negara Malaysia di atas sebahagian tanah milik Perbadanan Perpustakaan Awam Cawangan Kuala Perlis, Perlis. **Bangunan ini berkeluasan 6,802 kaki persegi dan dibina dengan kos sebanyak RM2,824,936.06.** Pembinaan ini dibiayai sepenuhnya melalui peruntukan Akaun Amanah Perbadanan Perpustakaan Awam Negeri Perlis (PPANPs).
4. Pembinaan bangunan ini telah bermula pada **25 Oktober 2022** dan berjaya disiapkan sepenuhnya pada **15 April 2024.**

5. Pembinaan bangunan ini mempunyai objektif yang amat signifikan, selaras dengan usaha memperkukuh peranan perpustakaan sebagai pusat ilmu dan pemeliharaan warisan negara. Tujuan utamanya adalah seperti berikut:

- I. **Menjadikan negeri Perlis sebagai Pusat Penyimpanan Luar Koleksi Negara (Zon Utara);**

Melalui kemudahan akses kepada koleksi bahan perpustakaan yang diterima di bawah *Akta Penyerahan Bahan Perpustakaan 1986 (Akta 331)*, masyarakat di negeri-negeri ini akan berpeluang menikmati sumber maklumat yang kaya dan pelbagai bagi tujuan pembelajaran, penyelidikan dan pembangunan ilmu.

- II. **Membantu PNM dalam memelihara khazanah warisan intelek negara;**

Bangunan ini akan berfungsi sebagai pusat simpanan yang kondusif dan sistematik untuk memastikan bahan-bahan intelektual, sejarah dan budaya negara kekal terpelihara untuk rujukan generasi kini dan akan datang.

Sidang Hadirin Sekalian,

PENAMAAN BANGUNAN PRPNM-PERLIS

6. Untuk makluman semua, **penamaan semula bangunan ini berasaskan kepada justifikasi:**

- I. Memberi **pengiktirafan kepada Institusi Diraja Negeri Perlis** yang memperkenankan untuk dibangunkan sebuah pusat repositori khususnya untuk memberi perkhidmatan kepada rakyat negeri Perlis dan kawasan sekitarnya
- II. **pembinaan bangunan ini juga berpotensi menjadi satu lagi tarikan pelancongan di negeri Perlis.** Kehadiran pelawat dan penyelidik dari dalam dan luar negara dijangka mampu merancakkan sektor pelancongan setempat serta memberi impak positif kepada pertumbuhan ekonomi negeri, khususnya dalam sektor perkhidmatan dan kebudayaan.

Ampun Tuanku

Suka patik menyembah maklum ke hadapan **Duli-Duli Tuanku**, bahawa patik telah membentangkan perkara ini kepada **Jemaah Menteri pada 14 Mei 2025** yang lalu. Hasil perbincangan tersebut, Jemaah Menteri telah menyarankan agar reka bentuk bangunan pusat repositori ini diperbesar dan dinaik taraf supaya lebih bersesuaian serta setimpal dengan ketinggian martabat Institusi Diraja yang sentiasa menjadi lambang kebitaraan dan warisan negara.

- III. **Penggunaan nama diraja lazimnya membawa makna yang amat mendalam dari segi sejarah, budaya dan warisan.** Ia bukan sahaja berperanan dalam memelihara identiti serta jati diri tempatan, malah turut membangkitkan rasa bangga dan hormat dan keterikatan emosi dalam kalangan masyarakat setempat.

Hadirin yang dihormati sekalian,

PENUTUP

7. Semoga Pusat Repositori ini menjadi **mercu tanda ilmu, warisan dan kebanggaan bangsa**, serta menjadi pemangkin kepada usaha membina Malaysia MADANI yang berpengetahuan.
8. Saya percaya, dengan sokongan semua pihak termasuk penjawat awam, akademik, komuniti dan masyarakat sivil **pusat ini akan menjadi pusat rujukan utama serta pemangkin kepada pembinaan naratif perpaduan** yang lebih utuh dan bermakna.

Ampun Tuanku,

Demikianlah sembah ucapan patik. Sekali lagi patik mewakili Kementerian Perpaduan Negara dan Perpustakaan Negara Malaysia merafak sembah, menjunjung setinggi - tinggi kasih atas limpah perkenan Duli - Duli Tuanku berangkat ke Majlis pada hari ini.

Sekian.

Menjunjung Kasih Tuanku,

Ampun Tuanku